

**MUHTASARI WA HALI YA HEWA KWA MWEZI FEBRUARI, 2026 NA MWELEKEO
KWA MWEZI MACHI, 2026.**

Dondoo za tathmini ya Februari, 2026 na mwelekeo wa Machi, 2026:

Taarifa hii inatoa muhtasari wa mifumo ya hali ya hewa pamoja na mwenendo wa hali ya hewa kwa mwezi Februari, 2026 na kutoa mwelekeo wa hali ya hewa kwa mwezi Machi, 2026 nchini.

- i. Katika kipindi cha mwezi Februari, 2026, maeneo mengi ya nchi yalipata vipindi vya mvua na ngurumo, hususan wiki ya tatu na ya nne ya mwezi. Aidha, vipindi vya mvua kubwa vilijitokeza katika baadhi ya maeneo na kusababisha athari ikiwemo mafuriko na kutuama kwa maji.
- ii. Hali ya joto hadi joto kali iliendelea kujitokeza katika baadhi ya maeneo, hususan nyanda za juu kaskazini mashariki na ukanda wa pwani.
- iii. Katika kipindi cha mwezi Machi 2026, mvua za Masika zinatarajiwa katika maeneo mengi yanayopata misimu miwili ya mvua kwa mwaka, na mvua za Msimu zinatarajiwa kuendelea katika maeneo yanayopata msimu mmoja wa mvua kwa mwaka. Aidha, ongezeko la mvua linatarajiwa katika baadhi ya maeneo.

1.0 MUHTASARI WA HALI YA HEWA KWA KIPINDI CHA MWEZI FEBRUARI, 2026.


Katika kipindi cha mwezi Februari, 2026 vipindi vya mvua vilijitokeza katika maeneo mengi ya nchi hususan katika kipindi cha wiki ya tatu na ya nne ya mwezi. Aidha, vipindi vya mvua kubwa zilivyoambatana na upepo mkali kwa baadhi ya nyakati vilijitokeza katika baadhi ya maeneo na kusababisha mafuriko, kutuama kwa maji, uharibifu wa miundombinu na mali na kuathiri shughuli za kiuchumi. Kiwango cha juu zaidi cha mvua cha milimita 105.1 kilipimwa katika kituo cha hali ya hewa Same (mkoa wa Kilimanjaro) mnamo tarehe 21 Februari, ikifuatiwa na milimita 91.9 katika kituo cha Handeni (mkoa wa Tanga) na milimita 86.4 katika kituo cha Kilimanjaro mnamo tarehe 26 Februari, 2026. Vituo vilivyopima mvua milimita 50 au zaidi ni kama inavyoonekana katika kielelezo Namba 1 hapo chini.

Kwa upande mwingine, hali ya joto hadi joto kali ilijitokeza katika baadhi ya maeneo, hususan ukanda wa pwani na nyanda za juu kaskazini mashariki. Kiwango cha juu zaidi cha nyuzi joto 37.8 °C kiliripotiwa katika kituo cha Uwanja wa ndege wa Kimataifa

Mawasiliano yote yaelekezwe kwa:

Mkurugenzi Mkuu, Mamlaka ya Hali ya Hewa Tanzania,
Kiwanja Na. 6, Kitalu "N", Mtaa wa Fahmida, Dodoma jiji,
S.L.P 27, 41218 Dodoma; Simu: +255 26 2962610; Nukushi: +255 26 2962610
Barua pepe; met@meteo.go.tz; Tovuti: www.meteo.go.tz

Kilimanjaro (KIA) mnamo tarehe 11 Februari ikifuatiwa na nyuzi joto 36.2 °C katika kituo cha Same (mkoa wa Kilimanjaro) katika siku hiyohiyo.



Kielelezo 1: Vituo vilivyopima viwango vya mvua milimita 50 au zaidi katika mwezi Februari, 2026

2.0 MWELEKEO KWA MWEZI MACHI, 2026

2.1 MIFUMO YA HALI YA HEWA

Joto la Bahari katika eneo la tropiki ya kati ya Bahari ya Pasifiki linatarajiwa kuendelea kuwa la wastani hadi chini kidogo ya wastani ikiashiria kuendelea kwa hali ya kawaida ya ENSO kwa mwezi Machi, 2026. Joto la bahari katika eneo la magharibi mwa Bahari ya Hindi, karibu na Pwani ya Afrika mashariki, linatarajiwa kuwa la wastani hadi juu kidogo ya wastani, wakati eneo la mashariki mwa Bahari ya Hindi linatarajiwa kuwa na joto la bahari la wastani. Hali hii inatarajiwa kuongeza kuvuma kwa upepo wenye unyevu kuelekea ukanda wa pwani ya nchi yetu na mikoa ya jirani. Joto la bahari katika eneo la kusini mashariki mwa Bahari ya Atlantiki (karibu na pwani ya Angola) linatarajiwa kuwa la wastani hadi chini kidogo ya wastani. Hali hii inatarajiwa kuchangia kusababisha upepo wenye unyevunyevu kuvuma kutoka misitu ya Congo kuelekea maeneo ya ukanda wa Ziwa Victoria na magharibi mwa nchi yetu. Migandamizo mikubwa ya hewa iliyopo kusini mwa Afrika inatarajiwa kuimarika kidogo na kupelekea Ukanda mvua (ITCZ) kusogea kuelekea kaskazini.

Mawasiliano yote yaelekezwe kwa:

Mkurugenzi Mkuu, Mamlaka ya Hali ya Hewa Tanzania,
Kiwanga Na. 6, Kitalu "N", Mtaa wa Fahmida, Dodoma jiji,
S.L.P 27, 41218 Dodoma; Simu: +255 26 2962610; Nukushi: +255 26 2962610
Barua pepe; met@meteo.go.tz; Tovuti: www.meteo.go.tz

2.2 HALI YA HEWA KWA KIPINDI CHA MWEZI MACHI, 2026

Katika kipindi cha mwezi Machi, 2026 mvua za Masika zinatarajiwa katika maeneo yanayopata misimu miwili ya mvua kwa mwaka, ilhali mvua za Msimu zinatarajiwa kuendelea katika maeneo yanayopata msimu mmoja wa mvua kwa mwaka. Aidha, ongezeko la mvua linatarajiwa katika baadhi ya maeneo nchini na kusababisha mafuriko katika baadhi ya maeneo. Kwa upande mwingine, hali ya joto inatarajiwa kupungua kidogo. aidha hali ya joto inatarajiwa kuendelea katika baadhi ya maeneo yanayotarajiwa kuwa na upungufu wa mvua. Ufuatao ni mwelekeo wa hali ya hewa nchini;

Pwani ya kaskazini (Mikoa ya Tanga, Pwani, Dar es Salaam, kaskazini mwa mkoa wa Morogoro pamoja na visiwa vya Mafia, Unguja na Pemba):

Mvua zinazoambatana na ngurumo za radi zinatarajiwa katika baadhi ya maeneo. Aidha, ongezeko kidogo la mvua linatarajiwa katika maeneo machache katika wiki ya kwanza na ya pili ya mwezi.

Nyanda za juu kaskazini mashariki (Mikoa ya Kilimanjaro, Arusha na Manyara):

Mvua zinazoambatana na ngurumo za radi zinatarajiwa katika baadhi ya maeneo. Aidha, ongezeko la mvua linatarajiwa katika wiki ya kwanza na ya pili ya mwezi.

Kanda ya Ziwa Victoria (Mikoa ya Kagera, Geita, Shinyanga, Mwanza, Mara na Simiyu):

Mvua zinazoambatana na ngurumo za radi zinatarajiwa katika baadhi ya maeneo. Ongezeko kidogo la mvua linatarajiwa wiki ya kwanza na ya tatu ya mwezi.

Magharibi mwa nchi (Mikoa ya Kigoma, Katavi na Tabora):

Mvua zinazoambatana na ngurumo za radi zinatarajiwa katika baadhi ya maeneo. Aidha ongezeko kidogo la mvua linatarajiwa wiki ya kwanza na ya tatu ya mwezi.

Kanda ya kati (Mikoa ya Dodoma na Singida):

Mvua na ngurumo vinatarajiwa katika baadhi ya maeneo. Aidha, ongezeko kidogo la mvua linatarajiwa katika maeneo machache katika wiki ya kwanza na ya pili ya mwezi.

Mawasiliano yote yaelekezwe kwa:

Mkurugenzi Mkuu, Mamlaka ya Hali ya Hewa Tanzania,
Kiwanja Na. 6, Kitalu "N", Mtaa wa Fahmida, Dodoma jiji,
S.L.P 27, 41218 Dodoma; Simu: +255 26 2962610; Nukushi: +255 26 2962610
Barua pepe; met@meteo.go.tz; Tovuti: www.meteo.go.tz

Nyanda za juu kusini magharibi (Mikoa ya Rukwa, Songwe, Mbeya, Njombe, Iringa na kusini mwa mkoa wa Morogoro):

Mvua zinayoambatana na ngurumo za radi zinatarajiwa kuendelea katika baadhi ya maeneo. Aidha, ongezeko la mvua linatarajiwa kati ya wiki ya kwanza na ya pili katika maeneo machache.

Pwani ya kusini (Mikoa ya Mtwara na Lindi):

Vipindi vya mvua zitakazoambatana na ngurumo za radi zinatarajiwa katika baadhi ya maeneo. Aidha, ongezeko kidogo la mvua linatarajiwa wiki ya kwanza na ya pili ya mwezi.

Kanda ya kusini (Mkoa wa Ruvuma):

Vipindi vya mvua na ngurumo vinatarajiwa katika baadhi ya maeneo. Aidha, ongezeko kidogo la mvua linatarajiwa kwa wiki ya kwanza na ya pili ya mwezi.

2.3 MATARAJIO KWA MWEZI APRILI, 2026

Katika kipindi cha mwezi Aprili, 2026 mvua zinatarajiwa kuendelea katika baadhi ya maeneo nchini. Aidha, ongezeko kidogo la mvua linatarajiwa katika baadhi ya maeneo.

2.4 USHAURI

Mvua zinatarajiwa kuendelea katika maeneo mengi nchini. Aidha, vipindi vya mvua kubwa vinatarajiwa kujitokeza, hivyo wananchi wanaoishi katika maeneo yanayoathiriwa na mafuriko wanashauriwa kuendelea kuchukua hatua stahiki ili kupunguza athari zitakazojitokeza.

Mamlaka ya Hali ya Hewa Tanzania inawashauri watumiaji wa taarifa za hali ya hewa ikiwa ni pamoja na wakulima, wafugaji, Mamlaka za Wanyamapori, Mamlaka za Maji na Afya waendeleo kutafuta, kupata na kufuata ushauri wa wataalamu katika sekta husika.

Imetolewa tarehe 01 Machi, 2026 na:

MAMLAKA YA HALI YA HEWA TANZANIA.

Mawasiliano yote yaelekezwe kwa:
Mkurugenzi Mkuu, Mamlaka ya Hali ya Hewa Tanzania,
Kiwanja Na. 6, Kitalu "N", Mtaa wa Fahmida, Dodoma jiji,
S.L.P 27, 41218 Dodoma; Simu: +255 26 2962610; Nukushi: +255 26 2962610
Barua pepe; met@meteo.go.tz; Tovuti: www.meteo.go.tz